Հավելված ՀՀ կառավարության 2015 թվականի մարտի 5-ի N 208 - Ն որոշման

ՄԵԿ ԽՄԲԱՔԱՆԱԿՈՒՄ ԳՏՆՎՈՂ ԱՊՐԱՆՔՆԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՔՍԱՅԻՆ ՕՐԵՆՍԴՐՈՒԹՅԱՄԲ ՍԱՀՄԱՆՎԱԾ՝ ՄԱՔՍԱՏՈՒՐՔԻ ԱՌԱՎԵԼԱԳՈՒՅՆ ԴՐՈՒՅՔԱՉԱՓ ՈՒՆԵՑՈՂ ԱՊՐԱՆՔԻ ԱՏԳ ԱԱ ԾԱԾԿԱԳՐԻՆ ԴԱՍԵԼՈՒ ԴԵՊՔԵՐԸ, ՀԱՅՏԱՐԱՐԱԳՐՎՈՂ ԱՊՐԱՆՔՆԵՐԻ ՏԵՍԱԿՆԵՐԸ ԵՎ ԲՆԱԻՐԱՅԻՆ ՉԱՓԵՐԸ

- 1. Սույն հավելվածի դրույթները կիրառվում են Հայաստանի Հանրապետության սահմանով «Բաց թողնում ներքին սպառման համար» և «Արտահանում» մաքսային ընթացակարգերով ապրանքների տեղափոխման նկատմամբ։
- 2. Սույն որոշման իմաստով որպես մեկ խմբաքանակ համարվում են ապրանքներ տեղափոխող միևնույն անձի կողմից նույն տրանսպորտային միջոցով և սահմանային անցման նույն կետով միաժամանակ տեղափոխվող ապրանքները։
- 3. Սույն հավելվածով հաստատված դրույթները տարածվում են անձանց կողմից Հայաստանի Հանրապետության սահմանով տեղափոխվող՝ մեկ խմբաքանակում գտնվող այն ապրանքների նկատմամբ, որոնց բնաիրային չափերը չեն գերազանցում 100 կգ-ը և ձեոքբերման արժեքը՝ 600 հազ դրամը։ Սույն կետով սահմանված բնաիրային և արժեքային չափերը չեն տարածվում Հայաստանի Հանրապետության տարածք մարդասիրական օգնության և բարեգործական ծրագրերի շրջանակներում ներմուծվող ապրանքների նկատմամբ։
- 4. Մեկ խմբաքանակում գտնվող ապրանքները կարող են հայտարարագրվել այդ խմբաքանակում առկա այն ապրանքի ԱՏԳ ԱԱ ծածկագրով, որի համար Հայաստանի Հանրապետության մաքսային օրենսդրությամբ սահմանված է մաքսատուրքի առավելագույն դրույքաչափը, եթե այդ խմբաքանակում Հայաստանի Հանրապետության սահմանով տեղա-

փոխվում են առնվազն մեկ ԱՏԳ ԱԱ ենթախմբում դասվող առնվազն երեք տարբեր դիրքերին դասվող ապրանքներ։

- 5. Սույն հավելվածով սահմանված դրույթները չեն տարածվում ենթաակցիզային (ակցիզային հարկով հարկման ենթակա) և ոչ սակագնային կարգավորման ենթակա ապրանքների նկատմամբ, ինչպես նաև այն ապրանքների նկատմամբ, որոնք Հայաստանի Հանրապետության օրենսդրությամբ սահմանված կարգով ավելացված արժեքի հարկի վճար-ման հետաձգման հնարավորություն ունեն։
- 6. Մեկ խմբաքանակում գտնվող ապրանքները Հայաստանի Հանրապետության մաքսային օրենսդրությամբ սահմանված՝ առավելագույն դրույքաչափ ունեցող ապրանքի ծածկագրին դասելու համար հայտարարատուն կամ նրա կողմից լիազորված անձը դիմում է հայտարարագրի ներկայացման մաքսային մարմին, եթե ամբողջ խմբաքանակի ձեռքբերման արժեքը չի գերազանցում 300 հազ. դրամը, կամ վերադաս մաքսային մարմին, եթե ապրանքների ձեռքբերման արժեքը գերազանցում է 300 հազ. դրամը, ինչպես նաև Հայաստանի Հանրապետության մաքսային տարածք մարդասիրական օգնության և բարեգործական ծրագրերի շրջանակներում ապրանքների ներմուծման դեպքում ներկայացնելով ապրանքների տեղափոխումը հիմնավորող՝ Հայաստանի Հանրապետության մաքսային օրենսդրությամբ պահանջվող փաստաթղթերը։
- 7. Սույն որոշման 6-րդ կետում նախատեսված փաստաթղթերի հետ հայտարարատուն կամ նրա լիազորած անձը ներկայացնում է իր կողմից տեղափոխվող ապրանքների վերաբերյալ տեղեկատվություն, որը պետք է ներառի ապրանքների նկարագրերը և ԱՏԳ ԱԱ ծածկագրերը՝ չորս նիշի մակարդակով, դրանց չափման միավորները, հաշվարկված մաքսային վճարները և դրանց՝ Հայաստանի Հանրապետության մաքսային օրենսդրությամբ սահմանված դրույքաչափերը, ինչպես նաև իր կողմից հաշվարկված՝ այդ խմբաքանակի հայտարարագրման հետ կապված ծախսերը, եթե այդպիսիք առկա են։
- 8. Հայտարարագրի ներկայացման մաքսային մարմինը կամ վերադաս մաքսային մարմինը հիմք ընդունելով հայտարարատուի կամ նրա լիազորած անձի կողմից ներկայացված տեղեկատվությունը և Հայաստանի Հանրապետության մաքսային օրենսդրությամբ նախա-

3

տեսված այլ աղբյուրներից ստացված տեղեկատվությունը մեկ աշխատանքային օրվա ընթաց-

քում թույլատրում է մեկ խմբաքանակում գտնվող ապրանքների հայտարարագրումը՝ Հայաս-

տանի Հանրապետության մաքսային օրենսդրությամբ սահմանված՝ առավելագույն դրույքա-

չափ ունեցող ապրանքի ԱՏԳ ԱԱ ծածկագրով՝ նշելով համապատասխան ծածկագիրը։

9. Սույն հավելվածի 8-րդ կետով սահմանված մաքսային մարմինը մերժում է

հայտարարատուի կամ նրա լիազորած անձի ներկայացրած դիմումը՝ մեկ աշխատանքային

օրվա ընթացքում հայտարարատուին կամ նրա լիագորած անձին գրավոր հայտնելով մերժման

պատճառը, եթե՝

1) հայտարարատուի կամ նրա լիազորած անձի կողմից չեն ներկայացվել սույն

հավելվածի 7-րդ և 8-րդ կետերով նախատեսված տեղեկությունները և (կամ)՝

2) հայտարարագրվող ապրանքները չեն համապատասխանում սույն հավելվածի 2-5-րդ

կետերով նախատեսված պահանջներին և պայմաններին և (կամ)՝

3) ներկայացված տեղեկատվությունը տարբերվում է փաստացի հայտարարագրվող

ապրանքներից և (կամ)՝

4) պահպանված չեն Մաքսային միության մաքսային օրենսգրքով կամ «Մաքսային

կարգավորման մասին» Հայաստանի Հանրապետության օրենքով մաքսային հայտարարա-

գրմանն ուղղված ընթացակարգերը։

10. Մաքսային մարմինների կողմից դիմումի մերժման կամ մաքսային մարմնի կողմից

որոշված ԱՏԳ ԱԱ ծածկագրի վերաբերյալ հայտարարատուի կամ նրա լիազորած անձի

կողմից անհամաձայնություն հայտնելու դեպքում մեկ խմբաքանակում գտնվող ապրանքները

հայտարարագրվում են Հայաստանի Հանրապետության մաքսային օրենսդրությամբ սահման-

ված կարգով՝ առանձին ԱՏԳ ԱԱ ծածկագրերով։

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ